

南平文氏世譜序

四世而緦服之窮也五世六世而親屬竭矣然而大宗之祖百世不遷故周禮立宗子法以統屬族人族之相為也恒如四世之親君子處其厚不處其薄豈可曰我無大祖也我無宗子也而相視如路人哉記曰尊祖故敬宗渙之象曰先王以享于帝立廟夫宗族衆多則其勢必散而祖廟在此則顛然瞻仰之矣此譜法之所由起也譜法大行於我東世閥之家枝分派別會元統宗雖百世如指掌焉南平文氏其一也謹按文氏之先其生既靈異羅麗之間名公巨卿史不絕書苑然為東國大家本朝以來烜赫差讓而賢儒間出緼袍佩玉亦足以匹休於鍾鼎矣蹟其為譜忠肅之後有順平江城兩派而江城之派不入

焉蓋緣有昆季之第次難辨而雲仍各自遍於國中不害其各
為一家之譜也白鼠秋重謀修譜而問序於不佞不佞既仰其
世德之有自而又賀諸君子之尊祖敬宗而不懈於久遠也於
是乎言

庚子仲秋全義李種杞謹撰

南平文氏世譜序

文氏貫南平為東方鉅族者皆順平江城二家二家之祖蓋積慶累仁功存宗祊澤庇生民報施之天宜其得不億之麗為雲仍而文行名蹟譜不絕書又他鉅族之所不能數數者也是以知滾仁長流其源必大苑仁洪柯其根必深然則忠肅公之為文氏之大源深根者不可誣而或成公之靈異其降為百世幘幘又足徵焉此譜以順平君為中祖其磊落勳業開卷瞭然此不重述而其後有後順平忠翊公實襲祖德而湖南之文祖也版圖公胚胎前烈實承祖武而嶠南之文祖之皆此譜之茂績二公之裔聿修祖德以及於順平式究乎今日文氏之為文氏者豈由乎祖先之成立則所以承先而啓後者不外於是矣譜

將竣文氏秀士圭政及鐫命之相其役辭不獲

歲庚子初月下澣幸州奇字萬謹書

[Faint bleed-through text from the reverse side of the page, including characters like '公' and '命']

丙辰舊序

古有氏牒志只詳其始姓之祖後世易之以譜廣收支裔于以
辨族類合親疎以寓其尊祖敬宗之法親親仁民之義蓋其親
親也故主乎尊敬宗也故主乎嚴文獻掌故彬彬可攷而東國
尚闕尤加重焉及夫法愈備而文漸勝推之過遠而循之或有
則識者病之然本同根水同源殊雖萬而不害其為一故余嘗
叙吾譜而取西銘同胞之旨夫克仁之量則萬物尚為一體况
族類之相比氣脉之相通者哉南平之文國中鉅族也根深源
遠殆甲於三韓前後凡再修譜而或分或合皆有義例今又續
而新之合而廣之要余識其事余惟文氏之世始而族跡之靈
異中而名德之燦赫後而派支之蕃庶舊序已備無庸架疊祗

以一仁字嘗叙吾譜者為文氏諸宗誦焉若夫謹名分重禮法
毋墜古家規範以基其繩口不已休則在文氏自勉無待余耄
言云

崇禎紀元後四丙辰五月下澣通政大夫行司諫院大司諫星
山李源祚謹序

文氏之治譜也三則其紹先志迪後承甚勤矣亦可見 邦家
享祚無疆而澤究於下也文氏之族豈不蕃衍譜牒之修未易
幹也其役巨其舉數克其艱而若不難者豈獨謂文氏之有後
也苟非朝野寧謚文獻彬郁其譜之治若是屢乎噫禮曰上治
祖稱尊口也下治子孫親口也傍治昆弟序之以昭穆別之以

禮義人道竭矣以此為治譜之道至矣盡矣况忠肅順平江城

三君子種德而蔭其後則其將有昌大之慶亦庶幾後之雲仍
觀感於今日之譜而如今之為也夫重其事請以文者卽後孫
學淵甫而感其意之甚勤不敢以不文辭云爾

崇禎紀元後四丙辰五月下澣通政大夫承政院左承旨兼經
筵叅贊官春秋館修撰官清風后人金基績謹序

譜猶史也史以著理亂得失昭萬世之鑑戒譜以詳派繼辨昭
穆尊祖而合宗儘乎國不可以無史家不可以無譜也南平之
文遠有世閥舊乘所載名德相望久而寢衰簪紳于朝者雖不
逮古昔而至今幾百家散在嶺湖皆以耕讀自樹蔚有西京孝
悌力田之風源遠而流長根茂而條暢者是其符驗今若以圭
組冷煖而指為盛衰則豈確論也文氏舊有譜戊辰增修之其

後五十年子姓益繁衍諸宗又謀修譜可謂識本而慮遠陶靖
節詩曰同源分流人易世踈慨然晤歎念茲厥初蓋常人之情
遠則踈之彌遠則益踈而至于忘之是則以身為親踈而不以
先人為親踈誠可慨也傳曰族者湊也欲以恩意相流湊也記
曰君子因睦而合族合族之道舍是譜奚以哉文氏之宗余未
能盡見而今於修譜之舉已知其尊祖而敬宗敦倫而睦族路
人為兄弟也蘓老泉所云孝悌之心油然而生者其在是歟文
斯文秉龍齋其諾守之書千里蘭足問序於余非為余文也余
家與文氏昔有朱陳之誼式至今講好不絕先君子曾於戊辰
之譜為文弁卷今其請寔有援據義不可以不能辭畧叙其譜
與史關係綦重而敦厚忠愛之實切於一家則譜有甚焉者而

復之

崇禎紀元後四丙辰五月下泮通政大夫承政院左承旨兼經筵叅贊官春秋館修撰官全城后人李興敏謹序

戊辰舊序

南平文周兌甫奉其世譜自陝川不遠數百里踵門而求余序曰願執事之惠以一言也余以老昏固辭之顧其請甚勤遂取而暫閱焉則文氏始祖之生既甚異其後子孫又大昌熾在勝國時奕世襲公相八本朝冠冕因不振然其分散居八路者若星羅碁布間有諸名碩錯落相望蓋不特系派昭穆邑里墳墓歷亡如指掌而已余於是即歛衽而歎曰我東名族固多矣如文氏此譜者夫豈易見也耶蓋自厥初生民以來人孰無始祖

而或茫不知其如何直與先天之事無異今文氏石函中竒蹟
歷千載如隔辰是殆造化翁將窮宙無限之華祿付與天上麒
麟而抱送於當年者也用是得賜姓與名而樹功勳大揚厥聲
蔚為一代之異人自後靈祥之鍾毓遂相繼不絕譬如鳳生而
鳳毛豹生而豹斑則五封君十平章夫誰曰不冝而忠肅公忠
義大節尤卓犖足以覆蓋遺胤千百世江城君孝行及木綿種
剝澤東民又至今誦而賴之其亦偉矣然物無常盛之理而亦
無常衰之理允厥發榮於春夏者類皆斂莊於秋冬而斂莊於
秋冬者又復發榮於春夏今文氏適當斂莊之時而獨不有復
為發榮之日耶且雖斂莊之時而如松栢之獨也青及秋菊之
傲霜冬梅之戰雪其標格之清高韻氣之芳烈比諸春夏之得

雨露吐英華者尤不啻絕特焉今文氏各派中諸賢實似之聖
休光照後世者若彼其炳朗焉又何得以圭組之不及古少之
也矧惟我東士族其以科宦維持者直創耳乃若問其闕闕則
邈乎玄矣而世世高冠長裾立乎鬻岸黨塾之間揖讓周旋而
人莫敢侮之者必其文學行誼有大過於常倫而允繩乎先武
故愚嘗謂此其難為倍於役而尤可貴也以今觀之其文氏之
謂乎夫以其始祖一人之身分而至於百千萬人則百千萬人
之相視也固若踈且遠矣而其實無非是一人之血脉也尚可
謂踈且遠耶胡不觀於兩儀之分而為四象八卦以至於三百
八十四爻之多而無一不得此兩儀畫以成一元之分而為十
二會三百六十運以至於四千三百二十世之多而無一不得

此一元數以成也過此以往又不知分而為幾何而何莫非而
儀一元之為則人之得始祖血脉亦猶是已而其不踈且遠可
知惟其服盡而世易又各散居而遠離喜不得相慶憂不得相
弔故因遂為路人之歸而不知其初實一人之身也此蘇氏之
譜所以作而程子所謂管攝天下人心收宗族厚風俗莫如明
譜系者誠萬世之至訓也然而世降俗弊當其修譜之際崇禋
之以汾陽為祖揚侯之以子雲為孫又不免間有之則氏族亂
而倫紀乖反不如無譜之為愈而今文氏之譜獨無是焉雖其
祖先之蹟一於疑以傳疑信而傳信而不容毫髮誣焉嗚呼只
此一事其為我東名族豈不有以益可保也耶竊想譜成之日
各取而寶莊之有時開卷指點知其某為某汜某居某所則相

眷戀之心必將油然而生矣異時或相過從其與之相歡悅又
嘗如何哉於是而思先故赫口之業念近代表口之烈於向所
謂文等行誼益加勉勵而日有進益焉則吾知歛莊於既往者
非久發榮於方來而窮宙無限之華祿蓋未知何時艾也若然
者他日之書於譜者將復為幾名碩錯落耶念到于此自不覺
有言遂書此以為南平文氏族譜序

上之八年戊辰十二月下泮晉陽鄭宗魯序

不佞無文吏事於奔走不遑與翰墨相親而竊好考觀人之世
德若粵南平之文有顯祖曰敬靖曰忠肅讜言偉節焜耀竹素
固已默識而景仰一日文斯文應澤甫奉其大人掌令公赫曉
遠訪不佞於堤之郡齋曰我文舊有譜後於譜而枝葉日益茂

於乎是人各譜其親而詳於近靡所統系寢遠而寢踈湖嶺諸宗為是之懼并力校讎鳩財庀工合於舊而新之子適視篆於湖而子之先孝靖公寔處我順平君之甥館毓慶衍祉克昌以天子姓之繁福壽之全人至今艷稱子於是役其可無一言不佞曰然是不可以不文辭也謹按文氏肇自羅季盛於勝國軒冕圭組奕葉蟬嫣可謂城南韋杜去天尺五而近世稍為凌替然世之數氏族者尤重淵源之久遠則文氏之源其亦遠矣夫敬靖忠肅積厚流光磊々若是苟使子孫尚類振其衰替濟美繩武則曷不是道是似而載於國乘者其將不讓於前朝矣且譜也者將以合宗而尊祖也將以叙派而溯源也而是特其具已本之則有在詩曰無念爾祖聿修厥德允為敬靖忠肅之後

者可不念哉昔歐陽公以不知其祖之所自而昧於昭穆之序
為大耻呂東萊云今之氏族比古則簡而知之者反少盖由譜
牒之明與廢而已今文氏之譜儘明而遠於耻矣無用夏言故
獨以尊祖溯源之本告而勉之若其作譜之凡例舊譜存焉
崇禎紀元後四戊辰十二月上澣通訓大夫行金堤郡守全城
後人李翊會序

丙辰舊序

譜者普也所以普世族也肆昔周漢之時有世本有年表而譜
牒昉焉譜之時義遠矣哉凡為氏族者雖華戶寒門莫不有敦
宗追本之誼則譜固不可以不作况名家右族自羅而麗而迨
于我朝而派流綿遠者乎文氏始貫于南平其鼻祖之降也

呈異于石函中既長文辭奪造因以文賜姓官至三韓壁上功
臣其前後事蹟於舊譜中可徵裔孫以還代有聞人簪組蟬聯
在勝國封君五平章十其中忠肅公諱克諱以忠義名惟我
大祖之六世祖諱璘其壻也八本朝躋顯要而望星斗者亦比
亡闕閱之感甲子海東吁亦寔哉嘗聞文氏世譜失之中古至
順平府院君諱達漢五世孫諱簡之外孫海豐君李公諱耆菟羅
放失釐正銀梓未及庶布又燹于壬丁判官公諱垠之外孫松
巖李公諱曾搜集于諸宗遺蹟中修成一譜猶未傳於剞劂氏
幸而至季世敬菴公東道氏出嘗慨然於諸宗譜之各為私藏而
以繡梓為己任數十載間經紀之工幾乎訖緒而天不假年齋
志而歿可勝惜哉其胤子字徵甫懼其先志之未遂相與謀於

湖嶺諸宗據舊本收系單叅互攷證始克成編昔之踈者詳訛者正刊事始底于績於是乎譜之欲修未就者前後相隨續而待今日字徵甫而乃成豈非先代積累之基賢考追本之誠有以啓佑而發輝之也昔蘓氏譜其族而序之曰觀吾譜者孝悌之心生今文斯文之繼志述事本於孝悌而能使人起立其可敬也夫不佞亦忝在外沙者大是事而艷其誠口津口不休者久之字徵甫要一言欲弁諸卷不佞衰老人也烏敢命意於翰墨間事而既重其請且誼有不可辭者於是乎書

崇禎紀元後丙辰午下泮生員河濱李蓋 序

舊譜此有樂淵齋公諱字徵跋文而今譜則不用本孫序跋文字非直難於存按公之初譜事實畧備於李蓋氏序中故未

果印焉

戊譜有立齋公諱躍淵識文積累潤色寔由於斯而今譜不
得已亦從例焉

南平文氏世譜上

初疊

始祖文多省

字明遠金紫
光祿大夫三
重大匡輔國
上柱國同平
章事三韓壁
上一等功臣
封南平開國
伯食邑三千
戶五歲文思
湧出武畧超
邁聰明穎悟
達於事物之
理性命之原
故以文賜姓
多省為名明
遠為字寬仁

子倬

明下侍郎贊
成事上柱國
領同政平章
事太師尚父
封永平開國
男享年八十
九食邑三千
戶謚武烈

子天降

門下侍中平
章事太師太
傅封永城開
國伯享年七
十三食邑三
千九謚靖簡
○貞夫人朴
氏侍中孚女
咸和元年八
于東晉為司
空○顯宗成
皇帝九年上
表乞歸故國
而還○王即
拜平章事公
八仕中國時

子周伯

內議侍郎門
下右僕射大
司馬大將軍
大都護上柱
國同平章事
封鐵冶開國
伯食邑三千
戶謚毅成公
性質嚴恪不
屈威武年十
八為內議侍
郎拾遺補闕
抗節直冲是
以多見貶外
之職

子承祖

大司馬龍虎
大將軍金紫
光祿大夫上
柱國平章事
封鐵城開國
侯食邑四千
八百戶謚
威

子繼祖

內給事

子胤祖

柱下史

子聖和

下見

子聖時

拾遺

初疊

南平文氏世譜卷之上